

Забидий / ВАҲИЙНИНГ БОШЛАНИШИ КИТОБИ / 2148-ҳадис

2148/7150 – عَنْ مَعْقِلِ بْنِ يَسَارٍ رَضِيَ اللَّهُ عَنْهُ قَالَ: سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ:
«مَا مِنْ عَبْدٍ اسْتَرْعَاهُ اللَّهُ رَعِيَّةً، فَلَمْ يَحْطُهَا بِنَصِيحَةٍ، إِلَّا لَمْ يَجِدْ رَائِحَةَ الْجَنَّةِ».

7150/2148 – وَعَنْهُ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ، قَالَ: «مَا مِنْ وَاٍ يَلِي رَعِيَّةً مِنَ الْمُسْلِمِينَ، فَيَمُوتُ وَهُوَ غَاشٌّ لَهُمْ، إِلَّا حَرَّمَ اللَّهُ عَلَيْهِ الْجَنَّةَ».

2148.7150. Ҳасандан ривоят қилинади:

«Маъқил ибн Ясорнинг ўлими олдидаги касаллигида Убайдуллоҳ ибн Зиёд уни кўргани келди. Шунда Маъқил унга шундай деди: «Мен сенга Расулуллоҳ соллаллоҳу алайҳи васалламдан эшитган бир ҳадисимни айтиб бераман. Мен Набий соллаллоҳу алайҳи васалламнинг «Аллоҳ бир бандани бир раиятга мутасадди қилса-ю, у уларга холис бўлмаса, жаннатнинг ҳидини ҳам ҳидламайди», деганларини эшитганман».

Изоҳ: «Холис бўлиш» деганда ўзига ишониб топширилган раиятга масъулиятсизлик билан ёндашиб, уларни зое қилиш, ҳақ-ҳуқуқларини поймол қилиш, адолат ўрнатмаслик кабилар назарда тутилган.

2148a/7151. Ҳасандан ривоят қилинади:

«Маъқил ибн Ясорни кўргани келган эдик, Убайдуллоҳ кириб қолди. Маъқил унга шундай деди: «Мен сенга Расулуллоҳ соллаллоҳу алайҳи васалламдан эшитган бир ҳадисимни айтиб бераман. У зот: «Бирор волий бир мусулмон раиятга волий бўлиб, уларга қаллоблик қилган ҳолда ўлса, Аллоҳ унга жаннатни ҳаром қилади», дедилар».



HADIS.ISLOM.UZ
NUBUVVAT MARVARIDLARI